

II - ARABAKO LURRALDE HISTORIKOAREN TOKI ADMINISTRAZIOA

VITORIA-GASTEIZKO UDALA

INGURUGIRO GAJETARAKO IKASTEGIA

Vitoria-Gasteizko ikastetxeetan eskola-baratzeen alorreko jarduerak egiteko diru-laguntza deialdia arautzen duten oinarri espezifikoak. 2021-2022 ikasturtea

1. Deialdiaren xedea

Gasteizko ikastetxeei edo Ikasleen Familien Elkarteei laguntza ekonomikoa ematea da diru-laguntza deialdi honen xedea; hain zuzen ere, 2021-2022 ikasturtean, eskola-baratzeen alorreko jarduerak egiteko erraztasunak emate aldera.

2. Norentzat

Betebehar hauek betetzen dituzten ikastetxeek edo Ikasleen Familien Elkarteek (IFE) eskuratu ahal izango dute diru-laguntza:

– Ikastetxea Gasteizko udalerrian kokatua egotea edo, gutxienez, ikasleen ehuneko 60 udalerrian errolatua egotea.

– Betebehar fiskalak, Gizarte Segurantzarekikoak eta Gasteizko Udalarekikoak beteta eduki.

– Ikastetxea 2021eko irailetik 2022ko ekainera eskola-baratze baten proiektua garatzen aritea, edo garatzeko asmoa izatea, landaketa ekologikoaren alorreko irizpideetan oinarrituta.

– 2021eko irailetik 2022ko ekainera bitartean jarduera horiek egiteak gastuak ekarri izana – fakturen bitartez egiaztatu daitezkeenak–, eskola-baratzearen jarduerari estu-estu lotuak. Honako hauek joko dira eskola-baratzearen jarduerarekin zerikusia duten gastutzat:

– Nekazaritzaren eta basozaintzaren alorreko jarduerari buruzko ikastaro, hitzaldi eta lan-tegien antolakuntza.

– Materialak erostea: lanabesak, eskola-baratzeen egiturak eraikitze materiala, landatzeko mahaia, landareak, haziak eta nekazaritzaren eta basozaintzaren alorreko bestelako materialak.

– Nekazaritzaren eta basozaintza gaia jorratzen duten dokumentuak –paperezkoak nahiz digitalak– erostea.

– Nekazaritzaren eta basozaintzaren alorreko eremua sortu, mantendu edo hobetzearekin zerikusi zuzena duten obra edo lanak egitea.

– (IGI) Ingurugiro Gaietarako Ikastegiko teknikarien iritziz horien parekotzat jo daitezkeen bestelako gastuak.

– Behar diren argibideak eman beharko dituzte ikastetxeek, baita, beharrezkotzat jotzen bada, IGIko teknikariei bertara sartzeko utzi ere, aurkeztu dituzten fakturak eta eskola-baratzeen proiektuetan gauzatutakoak bat datozela egiaztatzerik izan dezaten.

– Ikastetxeek eskabide bakarra aurkeztu ahal dute, dela ikastetxearen izenean, dela bertako ikasleen familien elkartearen izenean.

3. Aurrekontu zuzkidura eta diru-laguntzaren zenbatekoa

Ingurugiro Gaietarako Ikastegiak, gehienez, deialdirako 12.000,00 euroko kreditua erabiliko du 2021-2022 ikasturterako Ingurugiro Gaietarako Ikastegiaren aurrekontuaren 2022/0110.1722.471.02 partidaren kontura, kreditu egokia eta nahikoa egotea xede horretarako gaituta dagoen udal aurrekontu horretan.

Ikastetxe edo ikasleen familien elkarte bakoitzeko, diru-laguntza ez da izango, inolaz ere, 1.000 eurotik gorakoa, BEZ barne.

Hauxe izango da banaketa-sistema:

a) Deialdiko kredituaren ehuneko 50 onartutako ikastetxeek aurreikusitako gastuaren arabera proportzionalki banatuko da.

Atal honetan emango den diru-laguntza honela zehaztuko da:

– Ikastetxeren batzuek 1.000,00 euroko diru-laguntza gainditzen badute, eman daitekeen gehieneko diru-laguntza jasoko dute, hau da, 1.000,00 euro.

– Horrelako ikastetxerik bada, horiek kontuan hartuta eta, halaber, dagokien diru-laguntza-zenbatekoa ere kontuan hartuta, berriro aplikatuko da irizpidea funtsaren gainerako zatia-rekin, lehen kalkuluan eman zekiekeen zenbateko maximora iritsi ez diren ikastetxeen artean, eta horrela jarraituko da, behar beste aldiz.

b) Gainerako kreditua, ehuneko 50, onartutako eskabideen artean banatuko da proportzionalki, ondorengo atal hauetako bakoitzean ikastetxe bakoitzak lortu duen puntuazio osoaren arabera:

– Dagokion ikastetxean matrikulatutako ikasleen kopuruaren arabeko puntuazioa. Horrela, 2020-2021 ikasturtean zenbat haur izan diren matrikulatuta, horrenbeste puntu esleituko zaizkio horietako bakoitzari.

– Bekadunen kopurua bider 3 egin ondoren ateratzen den puntuazioa, betiere, Arabako Hezkuntzako Lurralde Ordezkaritzak 2020-2021 ikasturteaz emandako datuen arabera. Eusko Jaurlaritzako Hezkuntza Sailaren mende dauden ikastetxe publikoen kasuan, aurreko puntuazioa bider 2 egingo da berriro.

Bekadun ikasletzat joko dira 2020-2021 ikasturtean Eusko Jaurlaritzako Hezkuntza Saileko beka jaso duten ikasleak, 2020ko irailaren 30eko Aginduak, Hezkuntzako sailburuarenak, xedatutakoaren arabera.

– Ikastetxeak "Hamaika Esku" esku-hartze planean parte hartzen badu, aurreko puntuazioa bider 2 egingo da berriro ere.

4. Eskabidea aurkezteko epea eta aurkeztu beharreko agiriak

Eskabideak aurkezteko epea oinarri hauen deialdiaren laburpena ALHAOn argitaratu ondorengo egunean hasiko da, eta 2022ko uztailaren 6a arte.

Eskabideak eta dokumentazioa aurkezteko lekua: 2021garren urterako Gasteizko Udalaren diru-laguntzetarako deialdia arautzeko oinarri orokorren arabera (eskuragarri daude Udalaren webgunean www.vitoria-gasteiz.org herritarrei laguntzeko bulegoetan eta 148garren ALHAOn, 2020ko abenduaren 30ekoan).

Agiri hauek erantsi beharko zaizkie eskabideei:

– Eskaera ikastetxeko zuzendaritzak edo Guraso Familien presidentek, aurkeztuko du, Vitoria-Gasteizko Udalaren 2021erako diru-laguntzen deialdia arautzen duten oinarri orokorren ereduaren arabera (2020ko abenduaren 30eko 148 zenbakiko ALHAO) eta www.vitoria-gasteiz.org/subvenciones webgunean egongo da eskuragarri.

– Ikastetxean gauzatzen ari den edo gauzatuko den eskola-baratzearen proiektua. Proiektuaren helburuak, metodologia eta jarduerak azaldu beharko dira bertan, zer leku baliatuko diren eskola-baratzea egiteko eta zein beharri erantzungo zaien eskatzen den diru-laguntzarekin.

– Ikasleen Familien elkarten kasuan:

– Ikasleen Familien Elkarte Euskal Autonomia Erkidegoko Elkarten Erregistro Orokorrean izena emanda dagoela egiaztatzen duen agiria.

– Deialdian parte hartzeko erabakia jasotzen duen bileraren aktaren fotokopia.

– Deialdi honetarako zuritutako gastuak biltzen dituen kontu-liburuaren kopia.

– Deialdirako eskaera berbera udaleko beste sail edo zerbitzu batzuetan aurkeztu ez izana egiaztatzen duen erantzukizun adierazpena (oinarri espezifiko hauei erantsitako 1. eranskina).

– Ikastetxea Vitoria-Gasteizko udal-mugartetik kanpo badago, baina ikasleen ehuneko 60 baino gehiago bertan erroldatuta badago, ikastetxeko zuzendaritzak ikasle horien ehunekoari buruzko zinpeko adierazpena aurkeztuko du (oinarri espezifiko hauei erantsitako 2. eranskina).

– Ingurugiro Gaietarako Ikastegian lehen aldiz diru-laguntza eskatzen bada, edo banku-kontuko zenbakia aldatu bada, banku-erakundeak emandako ziurtagiria aurkeztu beharko da. Ziurtagiri horretan, kontuko zenbakia eta titularra (edo titularrak) agertuko da, kontuan hartuta titulartasun hori Ingurugiro Gaietarako Ikastegian ikastetxeak izan behar duela, eta ez pertsona fisiko batek.

– Ingurugiro Gaietarako Ikastegian diru-laguntza lehen aldiz eskatuz gero, identifikazio fiskaleko txartelaren fotokopia aurkeztu behar da.

– 1-J eranskina. Eranskin hau beteko da, baldin eta proiektua edo jarduera zenbait entitate publiko edo pribatuk finantzatzen badute, eta/edo entitate onuradunaren funts propioekin.

– Justifikatzeko sistema:

– Pertsona edo entitate onuradunek justifikatzeko kontua aurkeztu beharko dute jasotako dirulaguntza justifikatzeko, ondoren adierazitakoari jarraituz, dirulaguntzen ildo bakoitzaren berariazko oinarrietan justifikatzeko beste sistemarik ezarri ezean. Dokumentazioa aurkezterakoan oinarri hauetan agiriak normalizatzeko emandako irizpideak hartu beharko dira kontuan.

– Justifikazioko kontuak alderdi hauek jaso beharko ditu:

– Jardueren kostua justifikatzeko txosten ekonomikoa. Xehetasun hauek jaso beharko ditu:

– 2-J eranskina. Diruz lagundutako proiektuari dagozkion gastuen egiaztatzearen zerrrenda:

– Eranskin hau beteko da udal dirulaguntzari egozten zaizkien gastuak justifikatzeko, gastu-motak zedarritu behar direlarik hartzekoduna, kontzeptua, data ea zenbatekoa adierazita, eranskinean jasotzen denaren arabera. Eranskinari jatorrizko fakturak eta fakturen ordainagiriak atxikiko zaizkio. Dirulaguntzari egozten zaizkion langile-gastuetarako, nominak eta TCak (egungo RNT eta RCL) erantsiko dira. Eskudirutan ordaintzeko, aintzat hartu beharko da legez ezarritako mugapena, zein web-orri honetan kontsultatu daitekeen: www.agenciatributaria.es.

– 3-J eranskina. Proiektu edo jardueraren diru-sarrera eta gastuen balantzea.

– 5-J eranskina. Erantzukizunpeko aitortpena: Entitate onuradunak adierazpen hauek biltzen dituen eranskina beteko du:

– Aurkezten diren faktura, fakturak eta ordainagiriak aurreikusitako helburu edo xedea lortze bidean sortuak direla, eta Gasteizko Udalaren ekarpena baliatu zela horiek finantzatzeko.

– Entitate onuradunaren erantzukizunpeko adierazpena, non diruz lagundutako jarduera finantzatzeko baliatu diren bestelako diru-sarrera edo dirulaguntzak zedarritutako diren, zenbatekoa eta jatorria zehaztuta, edo, halakorik badagokio, ez duela bestelako laguntzarik ez eskatu ez eskuratu azaltzeko adierazpena.

– Eskola-baratzeetako jarduerak sortutako gastuen fakturen kopia aurkeztu beharko dira, jatorrizko fakturekin batera (ondoren, konpultsatu egingo dira).

Diru-laguntzen eskaerak egiteko baldintza guztiak betetzen ez badira edo eskatutako dokumentazioa erantsen ez bada, oinarri orokor hauetan adierazitakoa hartuko da kontuan.

5. Balorazio-irizpideak

Jasotako eskabideak aurkezten diren fakturen arabera hartuko dira kontuan, eta Ingurugiro Gaietarako Ikastegiak antolatutako hezkuntza-jardueretara joateko kontzeptua izango dute oinarrian.

6. Aurkeztutako agirietako akatsak zuzentzea

Eskabideak oinarri hauetan xedatutako baldintzak bete ezean, organo eskudunak errekerimendua egingo dio erakunde edo pertsona interesatuari, 10 egun balioduneko epean hutsak zuzen ditzan (epe hori ezin izango dela inolaz ere luzatu ohartarazita). Halaber, ohartaraziko zaio horrela egin ezean eskabidean atzera egin duela ulertuko dela, beti ere, Sektore Publikoaren Araubide Juridikoaren urriaren 1eko 40/2015 Legean xedatutakoaren arabera ebazpena eman ondoren.

7. Diru-laguntzak emateko prozedura

Diru-laguntzen emakida prorata gisa gauzatuko da.

Diru-laguntzak jaso ondoren, baldintzak egiaztatu ondoren, eta eskabideak izapidetzeko onartu ondoren, txosten teknikoa eta ebazpen-proposamena igorriko dira, oinarri hauetan ezarritako irizpideekin bat etorritz.

Hala, kide anitzeko eskumeneko organoa eratuko da eskaerak eta emakida-proposamena aintzat hartzeko. Organo horretan, honako hauek egongo dira: Ingurugiro Gaietarako Ikastegiaren Lehendakaria, Ikastegiaren Ingurumen Sentzibilizatorako Sailaren burua eta Ikastegiaren Ingurumen Sentzibilizatorako Sailaren teknikari bat.

Era berean, organo izapidegilea Ingurugiro Gaietarako Ikastegiko Administrazio-kudeaketaren burua izango da, eta datuak zehazteko, ezagutzeko eta egiaztatze beharrezkotzat jotzen dituen jarduketa guztiak egingo ditu ofizioz. Datu horien arabera egingo da diru-laguntzak emateko ebazpen-proposamena.

Ingurugiro Gaietarako Ikastegiko lehendakariari eskuordetu zaio deialdi honetan araututako dirulaguntzak ebazteko eskumena.

8. Ebazpena emateko eta jakinarazteko epea

2021erako diru-laguntzen deialdiak arautzeko oinarri orokorretan xedatutakoaren arabera (eskuragarri daude Udalaren webgunean –www.vitoria-gasteiz.org–, herritarrei laguntzeko bulegoetan, eta 2020ko urtarrilaren 1482ko ALHAOn 148garren zenbakian).

9. Diru-laguntza ordaintzea eta justifikatzea

Ingurugiro Gaietarako Ikastegiak ordainketa bakarrean ordainduko du zenbatekoa. Horretarako, gehienez ere bi hilabete epea izango du dagokion ebazpena jakinarazten denetik aurrera.

Diru-laguntzetarako aurkeztu diren facturen bitartez egingo da justifikazioa. Eranskinak eta bestelako dokumentazioa ere erabiliko dira justifikazioa egiteko.

10. Itzulketa

Vitoria-Gasteizko Udaleko dirulaguntzei buruzko udal-ordenantzen 20. artikuluan zehaztutako egoeraren bat egokituz gero, jasotako zenbatekoak itzuli egin beharko dira, eta, era berean, dirulaguntzaren ordainketa-egunetik aurrera sortutako berandutze-interesak ordaindu beharko dira.

Itzultzeko jardunbidea dirulaguntzei buruzko udal-ordenantza horretan xedatutakoa izango da, onuradunaren jokatibideari lotutako arau-hausteak eta zehapenak gorabehera.

Jasotako kopuruak eta berandutze-interesak itzultzea bidezkoa bada, Ingurugiro Gaietarako Ikastegiko ES22 2095 0611 06 1090953091 kontuan egingo da. Horretarako, Ingurugiro Gaietarako Ikastegian diru-sarreraren ordainagiria aurkeztuko da.

11. Laguntzen bateragarritasuna

Ematen den diru-laguntza bateragarri izango da helburu berarekin beste edozein erakunde publiko edo pribatuk ematen dituztenekin, jardueraren gain-finantziatorik gertatzen ez den bitartean. Halakorik gertatuz gero, murriztu egingo da diru-laguntzaren zenbatekoa, gehienezko mugaraino.

12. Onuradunen betebeharrak

– Gasteizko Udalaren Kontu-hartzailletza Nagusiari dagozkion ikuskatzeko eta finantzak fiskalizatzeko lanak onartu eta laguntzea.

– Helburu bererako beste diru-laguntza, laguntza, diru-sarrera edo baliabiderik jasoz gero, jakinaraztea.

– Diru-laguntza emateko orduan kontuan izandako edozein zirkunstantzia objektibo nahiz subjektibo aldatuz gero, Ingurugiro Gaietarako Ikastegiari horren berri ematea, nahiz zerbitzu horrek eskatzen duen edozein informazio ematea.

– Diru-laguntzei buruzko udal ordenantzako betebeharrak betetzea.

13. Arau-hausteak eta isunak

Gasteizko Udalaren Diru-laguntzak arautzeko Ordenantzan xedatutakora egokituko da arau-hauste eta zigorren erregimena.

14. Aplikagarri den legedia

Oinarri hauetan aurreikusi gabekoetan, Gasteizko Udalaren Diru-laguntzei buruzko udal ordenantza aplikatuko da, baita Diru-laguntzei buruzko azaroaren 17ko 38/2003 Legea eta horren araudia ere —uztailaren 21eko 887/2006 Errege Dekretuaren bidez onetsia—, eta aplikagarri diren gainerako arauak.

Vitoria-Gasteizen, 2021eko azaroaren 5ean

Ingurugiro Gaietarako Ikastegiko lehendakaria
ANA OREGI BASTARRIKA



I. ERANSKINA

GASTEIZKO IKASTETXEETAN ESKOLA-BARATZEEN ALORREKO JARDUERAK EGITEKO DIRU-LAGUNTZA DEIALDIA

ERANTZUKIZUN ADIERAZPENA

2021-2022 IKASTURTEA

_____ jaunak/andreak
_____ NAN zk. Duenak, _____
_____ ikastetxeko zuzendari edo IFEaren Presidente gisa,
_____ IFK/IFZ eta _____
_____ helbidea izanik

ADIERAZTEN DU

ADIERAZTEN DU

Erantzukizun gisa, eta Gasteizko ikastetxeetan eskola-baratzeen alorreko jarduerak egiteko diru-laguntza deialdi honetarako, ordezkatzun duzun ikastetxeak ez duela diru-laguntzarik eskatu beste sail edo zerbitzu batean.

Jasota gera dadin eta dagozkion ondorioak izan ditzan,

Vitoria-Gasteizen, 2021ekoren(e)(a)n

Izen-abizenak
(Jatorrizko sinadura eta zigilua)



II. ERANSKINA

GASTEIZKO IKASTETXEETAN ESKOLA-BARATZEEN ALORREKO JARDUERAK EGITEKO DIRU-LAGUNTZA DEIALDIA

ERANTZUKIZUN ADIERAZPENA

2021-2022 IKASTURTEA

_____ jaunak/andreak
_____ NAN zk. Duenak, _____
_____ ikastetxeko zuzendari edo IFEaren Presidente gisa,
_____ IFK/IFZ eta _____
_____ helbidea izanik

ADIERAZTEN DU

Erantzukizun gisa, eta Gasteizko ikastetxeetan eskola-baratzeen alorreko jarduerak egiteko diru-laguntza deialdi honetarako, ordezkatzan duzun ikastetxeko ikasleen % 60 gutxienez Vitoria-Gasteiz udalerrian errolatuta dagoela.

Jasota gera dadin eta dagozkion ondorioak izan ditzan,

Vitoria-Gasteizen, 2021ekoaren(e)(a)n

(izenpea eta zigilua, jatorrizkoak)